

Ո Ր Ո Շ ՈՒ Մ

/Ամբոպատոր դատահոգեբուժական փորձաքննություն նշանակելու մասին/

« 21 » դեկտեմբերի 2018թ.

գ. Ախուրյան

«Ճ քննչական կոմիտեի Շիրակի մարզային քննչական վարչության Ախուրյանի քննչական բաժնի պետի տեղակալ՝ Ա.Օ.Մինասյանս, քննարկելով վարույթիս թիվ 68108618 քրեական գործի նյութերը.

Պ Ա Ր Չ Ե Ց Ի

2018 թվականի հոկտեմբերի 16-ին ոստիկանության Շիրակի մարզային վարչության ծառայության տեսուչ Տիգրան Սահակյանը զեկուցագիր է ներկայացրել այն մասին, որ նույն օրը ժամը 15:00-ի սահմաններում Շիրակի մարզի Բասեն գյուղի բնակիչ Կամսար Գուրգենի Հովհաննիսյանը գնացել է ոստիկանության Շիրակի մարզային վարչություն և հերթապահ մասի մուտքի դռան մոտ վիրավորական արտահայտություններ և հայհոյանքներ է հնչեցրել իր և կրտսեր տեսուչ-հերթապահ Հարություն Հովսեփյանի հասցեին, որից հետո չենթարկվելով իրենց օրինական պահանջներին ձեռքերով պոկել է հերթապահ մասի դիմացի պատին ամրացված փայտե անկյունակը ու բարձրացել է երկրորդ հարկում գտնվող վարչության պետի ընդունարան, որտեղ ևս աղմկել է և իր գործողություններով տևական ժամանակ խանգարել է ինչպես հերթապահ մասի, այնպես էլ վարչության մյուս ծառայողների բնականոն աշխատանքը:

Դեպքի առթիվ Շիրակի մարզային քննչական վարչությունում նախապատրաստվել են նյութեր:

Նյութերի նախապատրաստման ընթացքում Տիգրան Ժորայի Սահակյանը բացատրությամբ պնդել է իր կողմից ներկայացված զեկուցագրով հայտնած դեպքի հանգամանքները, նույնաբովանդակ բացատրություններ են տվել նաև ոստիկանության Շիրակի մարզային վարչության պետի օպերատիվ գծով տեղակալ Վահրամ Խաչատուրի Ենգոյանը, նույն վարչության կրտսեր տեսուչ հերթապահ Հարություն Միխայիլի Հովսեփյանը և դեպքի օրը վարչությունում ծառայության ընդգրկված՝ ոստիկանության Գյումրի քաղաքի Մուշի բաժնի ՊՊԾ դասակի ոստիկան Վահան Հովհաննեսի Եսայանը:

Դեպքի վայրի զննությամբ պարզվել է, որ ոստիկանության Շիրակի մարզային վարչության առաջին հարկի միջանցքի ատիճաններից դեպի արևելք գտնվող հարավարևելյան պատերի անկյունը վնասված է՝ գետնից 16սմ և 149սմ դեպի վեր առկա են գաջապատ ծածկույթի և ներկածածկույթի վնասված տեղամասեր, իսկ նշված պատին գամերի միջոցով ամրացված փայտե, 179,5սմ երկարությամբ անկյունակը ամրացման տեղամասերից պոկված է:

Դատահետքաբանական և դատաապրանքագիտական փորձաքննության թիվ 358/301ապ-18 եզրակացության համաձայն՝ «Ոստիկանության Շիրակի մարզային վարչության վարչական շենքի միջանցքի պատի անկյունային հատվածի և ներկայացված փայտյա անկյունակի վրա առկա վնասվածքները մեխանիկական ներգործության հետևանք են և առաջացել են անկյունակը քաշելով տեղահանելու արդյունքում և կարող էին առաջանալ որոշմամբ շարադրված Տիգրան Սահակյանի կողմից նշված հանգամանքներում:

Փորձաքննությանը տրամադրված պատին ամրացված փայտե անկյունակի տեղահանվելու և դրա ամրացման հատվածներում պատի վնասվածքների հետևանքով պատճառված նյութական վնասի չափի միջին շուկայական ընդհանուր արժեքը 2018 թվականի հոկտեմբերի 16-ի դրությամբ, մինչվնասվածքային ապրանքային վիճակի հաշվառմամբ, կարող է կազմել 1000 /մեկ հազար/ ՀՀ դրամ:

Փաստի առթիվ 2018 թվականի հոկտեմբերի 26-ին ՀՀ քննչական կոմիտեի Շիրակի մարզային քննչական վարչությունում ՀՀ քրեական օրենսգրքի 258-րդ հոդվածի 2-րդ մասով հարուցվել է թիվ 68108618 քրեական գործը, կատարվում է նախաքննություն:

«Ախուրյանի բժշկական կետրոն» ՓԲԸ-ից ստացած գրության համաձայն Բասեն գյուղի բնակիչ Կամսար Գուրգենի Հովհաննիսյանը 01.07.1977թ.-ից հաշվառված է «Ախուրյանի բժշկական

կենտրոն» ՓԲԸ-ի հոգեբուժական կարիներտում՝ «Էպիլեպսիա՝ անձի և բնավորության փոփոխությամբ» ախտորոշմամբ:

Քրեական գործով նախաքննության ընթացքում ձեռք բերված բավարար ապացույցների համակցությամբ 2018 թվականի դեկտեմբերի 21-ին որոշում է կայացվել Կամսար Գուրգենի Հովհաննիսյանին ՀՀ քրեական օրենսգրքի 258-րդ հոդվածի 3-րդ մասի 2-րդ կետով որպես մեղադրյալ ներգրավվելու մասին, վերջինիս առաջադրվել է մեղադրանք և նրա նկատմամբ որպես խափանման միջոց է ընտրվել Ստորագրություն չհետանալու մասին:

Նկատի ունենալով, որ Կամսար Գուրգենի Հովհաննիսյանի հոգեկան լիարժեքությունը, մեղսունակությունը և գործի համար նշանակություն ունեցող այլ հարցեր պարզելու համար անհրաժեշտ են դատական հոգեբուժության բնագավառի հատուկ գիտելիքներ, ուստի ղեկավարվելով ՀՀ քրեական դատավարության օրենսգրքի 55-րդ, 243-245 և 248-րդ հոդվածներով.

Ո Ր Ո Շ Ե Ց Ի

1. Թիվ 68108618 քրեական գործով նշանակել ամբուլատոր դատահոգեբուժական փորձաքննություն, որի կատարումը հանձնարարել ՀՀ Լոռու մարզային հոգեէյարդաբանական դիսպանսերի դատահոգեբուժական փորձագիտական հանձնաժողովի փորձագետին:

2. Փորձագետին առաջադրել հետևյալ հարցերը.

ա/ մեղադրյալ՝ Կամսար Գուրգենի Հովհաննիսյանը նախկինում և վերը նկարագրված հանրորեն վտանգավոր արարքը կատարելու պահին հոգեկան հիվանդությամբ տառապե՞լ է, թե՞ ոչ, եթե այո, ապա ինչպիսի՞ հիվանդությամբ է տառապել և ե՞րբվանից,

բ/ եթե մեղադրյալ՝ Կամսար Գուրգենի Հովհաննիսյանը տառապել է հոգեկան հիվանդությամբ, ապա այդ հիվանդությունը զրկե՞լ է արդյոք նրան իր գործողություններին հաշիվ տալու և դրանք ղեկավարելու ընդունակությունից,

գ/ մեղադրյալ՝ Կամսար Գուրգենի Հովհաննիսյանը ներկայումս տառապու՞մ է որևէ հոգեկան հիվանդությամբ, եթե այո, ապա ինչպիսի՞,

դ/ եթե մեղադրյալ՝ Կամսար Գուրգենի Հովհաննիսյանը տառապում է հոգեկան հիվանդությամբ, ապա այդ հիվանդությունը զրկու՞մ է նրան ներկայումս իր գործողությունների համար իրեն հաշիվ տալու և դրանք ղեկավարելու ընդունակությունից, ինչպես նաև այդ հիվանդության առկայության պայմաններում վերջինս կարո՞ղ է մասնակցել դատաքննչական գործողություններին, թե՞ ոչ,

ե/ մեղադրյալ՝ Կամսար Գուրգենի Հովհաննիսյանը մեղսունակ է, սահմանափակ մեղսունակ, թե՞ անմեղսունակ,

զ/ մեղադրյալ Կամսար Գուրգենի Հովհաննիսյանը հարկադիր բուժման կարիք ունի՞, թե՞ ոչ, եթե այո, ապա ի՞նչ տիպի հոգեբուժական հիվանդանոցում և հակացուցված չէ՞ արդյոք բուժումը, ինչպես նաև հանրության համար վտանգ ներկայացնու՞մ է, թե՞ ոչ:

3. Փորձագետին տրամադրել քրեական գործի նյութերը և փորձաքննության նեկայացնել Կամսար Գուրգենի Հովհաննիսյանին:

4. Հանձնարարել ՀՀ Լոռու մարզային հոգեէյարդաբանական դիսպանսերի դատահոգեբուժական փորձագիտական հանձնաժողովի նախագահին՝ պարզաբանել փորձագետներին, ում հանձնարարվելու է փորձաքննության կատարումը, ՀՀ քրեական դատավարության օրենսգրքի 85-րդ հոդվածով նախատեսված՝ փորձագետի իրավունքներն ու պարտականությունները և նախագրուչացնել ակնհայտ կեղծ եզրակացություն տալու համար ՀՀ քրեական օրենսգրքի 338-րդ հոդվածով նախատեսված քրեական պատասխանատվության մասին:

5. Եթե փորձաքննության ընթացքում առաջանան հարցեր, որոնք կարող են օգտակար լինել քննության համար և որոնց պատասխանները մտնում են փորձագետի իրավասության մեջ, խնդրվում է պատասխանել նաև այդ հարցերին:

Ախուրյանի քննչական բաժնի պետի
տեղակալ, առաջին դասի խորհրդական՝

Ս.Օ.Մինասյան